

E ANJA AKI PRINS CARNAVAL TA DI NOORD

ORANJESTAD 11 febr. — Pa motibo cu solamente tres club a laga inscribi candidata pa Prins Carnaval 1963 e eleccion den club di Aruba Jrs. diasabra anochi a termina hopi liher. E tres candidatanan pa Prins, kendenan cu nan Pancho cu a duna un show na e publico tabata, Anselmo Dubero cu su Panchi Henny Dubero (primo) di Jamanota Club, Jacobo Giel cu su Pancho Raymundo Eckmeijer di Noord Social Club y H. Burleson cu su Pancho Jose Lozano na nomber di e club Les Joyeux.

Tabata e duo di Noord kende a logra mas aplauso y simpatia di e publico, asina leuw for di nan mes distrito cu e jury no tabatin duda mas. Pa diesdos'or y mei e maestro di ceremonia Janchi Tromp a anuncia cu Jacobo Giel a bira Prins di Carnaval di Aruba y Raymundo Eckmeijer su Pancho. E jury tabata forma pa senjores Ciriaco Tromp, S. Swaen, Janchi Tromp, Ralph Richardson y Fernando Hodge.